

1613  
473  
ATA

# HARANGVES,

ET

# ELOGES

VERITABLES DE DEVX  
ARCHEVESQVES,

PROTECTEVRS DE LA PAIX  
& d'un mesme Troupeau.

*Vos sceli iusti iudices,  
Et vera mundi lumina  
Votis precemur Cordium :  
Audite Preces supplicum.*

Par M. H. D. Barroys. P. C. D. S. N. D. S. M. D. F.



A PARIS,

Chez LOVIS SEVESTRE, ruë du Meurier  
près S. Nicolas du Chardonnet.

---

*Avec Permission.* 1649.



474

HAIRYINGES  
ET  
FLORES  
VERITABLES DE DEUX  
ARCHIVES  
PROFESSEURS DE LA REX  
& d'agriculture tropicale

Les deux volumes  
sont en vente  
chez l'auteur  
à Paris

PAR M. H. D. BARRON, F. O. D. S. N. D. S. M. D.



A PARIS

Chez LOUIS SEVERIN, Libraire-Mercier  
près St. Nicolas du Chardonnet.

Paris, le 10 Mars 1844





A MONSEIGNEVR,  
**MONSEIGNEVR,**  
 MESSIRE JEAN FRANCOIS  
**DE GONDY**  
 Archeuesque de Paris.



ONSEIGNEVR,

Si jadis l'infortuné Acteon fut changé en cerf pour auoir eu tant de temerité que d'auoir jetté ses yeux prophanes sur les admirables beautez de Diane, ie crains ne pouuoir pas esperer vne meilleure fortune, si i'ose maintenant presenter mes vœux & mes tres-humbles seruices par vne si petite reconnoissance à vostre Illustre personne, où l'on voit la viue Image & le miroir brillant de toutes les vertus & graces necessaires au premier Prelat de la France: puisque ie n'ay pas moins de temerité qu'eût ce miserable, ny vous moins de puissance que Diane: Mais ie sçay trop bien que vous auez plus de pieté qu'elle n'eût de rigueur & d'enuie: c'est pourquoy MONSEIGNEVR, vous croyant plus fauorable, & appuyé que ie suis sous vostre autorité

A ij



baillant la pesanteur de ma plume à la censure de  
tant d'esprits, i'ay pensé que vos sacrées mains me  
seront vn Nereus pour me preseruer, & vos yeux vn  
phare pour mesclairer, prononçant les lignes suiuan-  
tes à l'honneur d'un Pasteur auquel toute la France  
doit des hommages, permettez-moy donc de vous  
présenter ce petit labeur, que le lustre de vostre nom  
fera voir à plusieurs si vous daignez le receuoir com-  
me l'offrande de mes premices, & comme vn échan-  
tillon de la reconnoissance immortelle que ie desire  
rendre à vostre grandeur de laquelle ie suis & seray  
toufiours,

MONSIEUR,

Vostre tres-obeyssant,  
& tres-affectionné  
P. H. D. B.





A MONSEIGNEVR,  
 MONSEIGNEVR,  
 MESSIRE IEAN FRANCOIS  
 PAVL DE GONDY  
 Archeuesque de Corinthe,  
 Coadjuteur de Paris.



ONSEIGNEVR,

Le temps que ie dois à l'Eglise, m'ostant le loisir de transcrire les Eloges que ie vous presente (avec l'humilité & reuerence,) autant de copies qu'il eust esté necessaire pour assouuir l'affamée curiosité de tant de personnes qui vous honorent, j'ay mandié secours à l'impression, mais d'autant que c'est bailler son artere à taster à tout le monde, & se soubmettre à la censure des ignorants comme des doctes d'exposer quelque chose en public s'il ne portoit au front le nom d'un personnage de merite, ie l'ay voulu timbrer de deux sur le frontispice pour reietter les traicts de la médifance, trois princi-

B



pales raisons m'ont induit à ce faire, la premiere l'honneur que ie dois à deux Prelats de vostre ancienne genealogie, la seconde au contentement du peuple duquel ils sont si amoureusement chers, la troisieme pour le contentement que vous aurez en les lisant puisque vostre admirable Genie vous porte naturellement à aymer dans vostre diuertissement les fleurs qu'une gentille muse amasse aux riuies camelotées de son hypocrene, & qui sçait iudicieusement discerner le Poëme coulant à l'aise tissu de termes propres, rehaussé de viues sentences, disposé en bel ordre & enrichy de fermes contrepointes, d'auec vn rhyme grossier, rude, prosaïque farcy d'idiomes barbares, qui escorchent la langue & les oreilles, où qui traissant les aisles, suë sang & eau pour enfanter de monstrueuses conceptions plaise à vostre dignité fauoriser mon dessein & receuoir ce que vous presente vn Prestre qui vous fera tousiours tres-affectionné & obeyssant. H. D. B.


ONSEIGNER



Le temps que se doit l'Esprit, m'a-

*Lecteur tu remarqueras que sur les dixains où il y aura un A. M. D. P. que c'est la loüange de Monseigneur de Paris où il y aura A. M. L. C. mon Seigneur te Coadju-  
teur.*





# HARANGVE,

E T

## ELOGES

VERITABLES DE DEVX

### ARCHEVESQVES

PROTECTEURS DE LA PAIX

& d'un mesme Troupeau.



*GRANDS Prelats que la France estime  
L'honneur des Gondy leurs ayeux,  
Hommes sans pareil & sans crime  
Fleau terrible des vicieux:  
Grand esprit souffrez que ie trace  
Par une officieuse audace*

*Ces vers dignes de voir le jour,  
Et qu'en faueur de vos louanges  
L'emprunte le parler des Anges  
Pour vous aller faire la cour.*

*Mais quelle vanité m'abuse  
Et quelle erreur tient mon esprit,  
De croire que ma foible Muse  
Vous peut plaire en ce quelle escrit,*



480  
*Ma temerité subornée  
 Par le deuoir qui la gagnée  
 Me fait entreprendre trop haut,  
 Et vostre merueilleuse vie  
 Est vn obstacle à mon enuie  
 Qui n'en peu dire ce qu'il faut.*

*Ie sçay que vostre Renommée  
 Ne s'est point faite par des vers  
 Sa haute vertu la semée  
 Aux quatre bouts de l'uniuers  
 Ces bouches qui sont mercenaires  
 N'ont jamais esté necessaires  
 A vostre renom glorieux  
 Vos exemples inimitables  
 Sont les Trompettes veritables  
 Qui vous immortalisent mieux.*

*Vous les plus accomplis des hommes  
 Les plus saints, les plus vertueux,  
 De tous ceux du siecle où nous sommes  
 Et du souuenir des Neueux:  
 Digne sujet de cent volumes,  
 Objet des plus sçauantes plumes,  
 Rare exemple de pieté,  
 Riche matiere d'une histoire,  
 L'admiration, & la gloire  
 De toute la posterité.*

A. M. L. C.

*Grand cerueau, superbe genée  
 Abisme profond de sçauoir,  
 De qui la science infinie  
 Va plus haut que l'humain pouuoir,  
 Saint Orateur bouche faconde  
 Qui tenez rauy tout le monde*

*Sous*



3  
Sous un langage s'y charmant,  
Vos actions sont des miracles  
Vos paroles sont des oracles,  
Et vostre personne un aimant.

A. M. L. C.

Aussi nos ames captiuées  
Posent leurs inclinations,  
Sous vos paroles releuées  
Qui gaignent nos affections,  
Vostre nompareille franchise,  
Est l'ascendant qui nous maistrise  
En cette allechante douceur,  
Nous jetie vne si belle amorce  
Qu'insensiblement & sans force  
Elle nous desrobe le cœur.

A. M. D. P.

Vous me donnés tant de matiere  
Que ie ne scaurois par quel bout  
Coure vne si longue carriere  
Ou ie ne dirois iamais tout  
Car vos precieuses années  
Que les heureuses d'estinées  
Ont comblé de felicité  
Me laissent sans recognoissance  
Et dans cette grande abondance  
Ie trouue ma sterilité.

A. M. L. C.

Ie vous pourrois sans flatterie  
Comparer à ces grands esprits  
D'ont la memoire est si chérie  
Pour leur vie & pour leurs escrits  
Ces Augustins, ces Chrysostomes,  
Ces Gregoires & ces Hierosmes,  
Ce saint Paul que vous aimez tant  
Tous ces flambeaux de l'Escriture  
Seroient l'object de la Peinture  
Qui feroit veoir leur ressemblant.



A. M. D. P.

De Gondy pere des Muses  
 Vos admirables qualitez  
 Font voir que des graces infuses  
 Vous inspirent tant de clartez  
 Vn seul malheur vous est contraire  
 Parmi la douceur ordinaire  
 Qui vous fait adorer de tous  
 C'est que les enfans de memoire  
 N'ont point d'assez fameuse gloire  
 Ny de termes dignes de vous.

A. M. L. C.

Après tant d'ouvrages sublimes  
 Dont vous avez esté l'obiet  
 Je rougis que de simples rimes  
 Traitent vn si noble sujet  
 Quelle enuie presumptueuse  
 Pousse ma plume langoureuse  
 A monstrier sa legereté?  
 Icy ma raison est sans phare  
 Ou ie me perdray comm' Icare  
 Qui mourut par sa vanité.

A. M. D. P.

Tant d'Apollons & tant d'Orphées  
 Tant de celebres Amphions  
 Vous ont erigé des trophées  
 Par de si doctes fonctions  
 Nos voix cassées nos voix debiles  
 Aupres de ses bruches habiles  
 Ne poussent que de vains accens  
 C'est à faire à ces grandes ames  
 D'exciter les diuines flâmes  
 Qui vous font fumer leur encens.

A. M. L. C.

Le feu qui bruste dans mes veines  
 N'a point encore assez d'ardeur



*Pour faire respondre mes peines  
 A vostre excessiue grandeur,  
 Mon pinceau n'a pas l'aduantage  
 De tirer la celeste Image  
 De vos diuines actions,  
 Pour crayonner vostre personne  
 Il faut que le Soleil me donne  
 Vn de ses plus brillans rayons.*

A. M. D. P.

*Permettez donc que ie me taize  
 Et que mon silence profond  
 Me laisse songer à mon aize  
 Au proiect ou ie me confonds,  
 Permettez que ie vous supplie  
 Et qu'à vos pieds ie m'humilie  
 Excusant ma temerité,  
 Si i'ose avec ces basses veilles  
 Tarder vos yeux & vos oreilles  
 Dessus mon incapacité.*

A. M. L. C.

*Monseigneur mon impatience  
 Veut franchement vous aduoüer  
 Que i'ay de la resiouyssance  
 Lors que ie vous entens louer  
 Je voudrois bien le pouuoir faire  
 Je voudrois bien vous satisfaire  
 Par quelque chose de mieux fait  
 J'ay le vouloir & le courage  
 Pour ce produyeux ouurage  
 Mais ie n'ay pas encor l'effect.*

A. M. D. P.

*Si ma puissance estoit égale  
 A tant de fameux escrivains,  
 De qui le bel esprit estale  
 Dequoy les pouuoir rendre vains,  
 Si i'auois les moindres pensées*



De ces ceruelles bien sensées  
 Je m'estimerois fort heureux  
 Ma passion seroit rauié  
 Et ne formerois point d'enuie  
 Que pour vous consacrer mes vœux.

A. M. L. C.

Je dirois que la Cour entiere  
 Adore & cherit vos vertus  
 Qu'à vostre parole premiere  
 Les vicieux sont aba tus:  
 Je dirois que sous vostre Empire  
 Tout Paris aisément respire  
 Et que vous auez tant d'apas  
 Que les plus meschants vous honorent  
 Que les gens de bien vous adorent  
 Et que tout fleschit sous vos pas.

A. M. D. P.

Je dirois mille belles choses  
 Et ie dirois la verité  
 Je ferois vn champ tout de roses  
 A Vostre immense dignité,  
 Vostre Venerable vieillesse  
 Gousteroit avecque tandresse  
 Et mes plaintes & mes eslans  
 Qui dans une crainte future  
 Me font quereller la Nature  
 De ne redoubler pas vos ans.

A. M. D. P.

D'une gracieuse industrie  
 Je vous ferois remercier  
 Par les cheres & douces patries  
 D'ont vous daignez vous soucier,  
 Je ferois parler tant de villes  
 Qui ne seroient pas si tranquilles  
 Sans l'amour que vous leur portez  
 Et par des deuoirs legitimes



*Elles vous rendroient les victimes  
Que l'on vous rend de tous costez.*

A. M. L. C.

*Pour vous faire des sacrifices  
Vous verriez tous ces Citoyens  
Qui vous offriroient leurs seruites  
En toutes sortes de moyens,  
Vous verriez ces ames bien nées  
Deuant vos genoux inclinées  
Rendre grace à vostre bonté  
Par des submissions parfaites  
De tous les biens que vous leur faictes  
Qu'elles ont si peu meritè.*

A. M. L. C.

*Tous vous nommeroient leurs delices,  
Leur amour, & leur Protecteur,  
Et diroient que sous vos auspices  
Ils ne craignent point le malheur,  
Par un éloge tributaire  
Comme à son Ange tutelaire  
Paris vous rendra son deuoir,  
Aduoiant que son heur consiste  
Et que sa liberté subsiste  
A vous aimer & vous auoir.*

A. M. D. P.

*Monseigneur ie vous importune  
L'abuse de vostre loisir,  
Vne loüange si commune  
Ne vous peut donner de plaisir:  
Que mon respectueux silence  
Agrée à vostre reuerence,  
Pendant que ie vais admirer  
Vos perfections immortelles,  
Auec vos vertus qui sont telles,  
Que chacun les doit adorer.*

D



284  
486

A. M. L. C.

*Et si vostre cœur de-bonnaire  
Veut sçavoir quel est mon employ,  
Pour vous donc ie m'en vay me taire  
Et parler seulement pour moy,  
Ie vay vous dire sans mensonge  
Que le premier point ou ie songe  
Dès que j'apperçoy la clarté,  
C'est de jeter en haut la veüe  
Afin que Dieu vous continuë  
Tousiours vostre bonne santé.*

A. M. D. P.

*Ie demande à sa Prouidence  
Tous les soirs & tous les matins  
Vne longue perseuerance  
De vos iours & de vos destins,  
Ie la coniure, ie l'implore,  
Qu'elle vous fasse viure encore  
Autant que les plus vieux ont fait,  
Et que les Parques matinées  
Ne flettrissent point vos années  
Que vous n'en soyez satisfait.*

A. M. M.

*Après dedans la solitude  
Ie flatte le raisonnement  
Tombant des soins de mon estude  
Dans les bras du contentement,  
Puis haussant par fois la paupiere  
Vers le Ciel ie fais ma priere  
Pour vostre prosperité  
J'inuocque l'aide de Marie  
Et celuy des Saints que ie prie  
Pour acquerir l'Eternité.*

*Tantost iettant sur ma misere  
Vn ail inſeſtement enuieux*



Je fais riche de ma colere  
 Mon destin si soucieux,  
 Iamais pourtant ie ne murmure  
 Contre l'Autheur de la nature  
 Qui me fait encore trop de bien,  
 Qu'il me frappe qu'il me cherisse  
 Qu'il me flatte qu'il me punisse  
 Son vouloir est toujours le mien.

Tantost benissant mes entraues  
 Qui sont de fer & non pas d'or  
 Je plains ces illustres esclaves  
 Qui font leurs ceps de leur thresor:  
 Je plains cette pompe orgueilleuse  
 Qui bien qu'elle soit radieuse  
 Traisne les soucis avec soy  
 Et dis dans ma basse auanture  
 Qu'il fait aussi bon sous la bure  
 Que dessous la pourpre d'un Roy.

Enfin mon dernier exercice  
 Est de faire des vœux pour vous,  
 Priant que tout vous soit propice  
 Et qu'à iamais tout vous soit doux  
 Que vous ayez le Ciel prospere  
 Que vous fassiez ce que j'espere  
 Que vous consideriez mes vœux  
 Que vous n'ayez que des iours calmes  
 Que chargées de Lys & de Palmes  
 Vous ravisiez vn iour les Cieux.

Messieurs ie tranche ces lignes  
 Que ie confesse hautement  
 Estre parfaitement indignes  
 De vostre diuertissement,  
 Si vous les auez agreables



*J'en vay songer de plus capables  
 Pour acheuer vostre tableau  
 Où par bestude & l'artifice  
 L'essuiray ce travail nouice  
 Sur qui ie tire le rideau.*

F I N.

Il est permis au sieur de Barroys de faire  
 Imprimer les vers cy-dessus. Fait ce 26.  
 Feurier 1649.